

Kadawyan nga peste iti naganus nga pagay ket dagiti insekto nga mang-mangan iti bulong. Pudno nga dadaelen da dagiti bulong ngem haan daytoy nga maka-apekto iti kaado ti maapit uray haan nga ag-spray.

Dagiti baro nga impormasyon panggep ti panang-manehar iti peste

1. Dagiti baro nga bin-i ti pagay ket alisto ken adu ti panagbulong da karkaro nu naganus wenno ubing pay laeng. Daytoy iti gapu nu apay nga makakaungar iti pirde nga aramid dagiti insekto nga mang-mangan ken agdad-dael iti bulong nga kas iti “leaffolders” ken “whorl maggots”. Iti maysa a puon ti pagay ket makabulong ti 16 iti las-ud iti 40 nga aldaw manipud nai-raep.



2. Dagiti baru nga bin-i ti pagay ket adu nga ag-gipi. Kadawyanen diay 22-25 a gipi iti maysa nga mula. Isu nga iti nasapa nga pirde ti “stemborer” nga agresulta iti natay a gipi wenno diaymakuna a “dead heart,” ket haan a nasken nga “ag-spray” ta kabaelan pay lang diay mula nga sukatan dagitoy.

Nu iti stemborer ket makapirdi iti maysa a gipi nga addan ti dawa na agresulta daytoy iti makun-kuna met a “white head.” Haan nga masapul nga pagdanagan ti daytoy ken haanen nga kasapulan nga agbomba iti agas ta haan met nga makakissay daytoy iti apit.

3. No man pay matayan iti dawa iti maysa a tugkel ti pagay (nga addaan ti adu nga dawa), bawiin na diay naawan nga potensyal nga apit babaen iti panang-padagsen na dagiti nabat-bati nga bunga/ irik babaen ti panangusar na iti sustansiya nga para koma idiay natay a dawa.



Anyang kadi ti epekto ti kanayun nga panag-spray?


Dagiti BPH wenno “brown plant hopper” ket addaanen iti makun-kuna a “biotypes” wenno dagiti kapamilya a kas koma kabsat wenno kasinsin, nga napigsa ti resistansya da iti kemikal. Nagdadael dagitoy sadiay Indonesia, Thailand, Malaysia, ken iti metlang pagilian tayo a Pilipinas idi napalabas nga tawen.

Ti gapu ti panag-adu da ket iti kanayun nga panag bombomba iti kemikal. Iti maysa nga kapagayan, ti umun-una nga umado ket dagiti peste nga mangdadael iti pagay. Sumaruno met nga umado dagiti makun-kuna a “predator” ken parasitiko ken dadduma pay nga gagay-yem nga insekto, nga isuda met iti mangan kadagitoy nga peste. Iti panag “spray,” geddan nga matay iti kakadwa ken kabusor nga insekto. Ngem gapu ta ad-adu iti bilang ti kabusur, adda ti mabati nga nabiang nga umado manen.

Nu adun iti bilang da, ken makapirde dan santo pay laeng agadda dagiti kakadwa/gagay-yem nga insekto nga mangkaan met kanyada. Isu nga makita yo nga nu kanayun ti panag-spray yo, ket kar-karu nga umado ken maiwaras dagiti peste ken bumab-baba iti apit.

Padasen tapnu Mapaniknikan!

Agpili iti kabassitan nga kinelleng ayan ti pagayan yo. Gudwaen yo daytuy iti duwa. Aramiden yo ti segud nga panag spray iti maysa nga parte ti kinelleng. Saan nga ag-spray iti maysa nga parte iti kinelleng nu dagiti mangmangan laeng iti bulong ti adda a peste na ken nu adu ti kadwa nga insekto. Inton panag-aapit, pagdasigen/pagdiligen/ikumpara ti apit iti duwa nga kinelleng.



Department of Agriculture
AGRICULTURAL TRAINING INSTITUTE
 Regional Training Center-CAR
 BSU Compd., La Trinidad, Benguet
 Telefax No.: (074) 422-2375
 E-mail: ati_car@yahoo.com

Lik-likan iti Ag-spray iti Umuna nga 40 Aldaw Kalpasan a Mai-raep iti Bunubon a Pagay



Lifted From:

Iwasang Mag Spray sa Unang 40 Araw
 Pagkalipat-Tanim
 Rice Bulletin Series #8, PhilRice

Produced by:



Department of Agriculture
AGRICULTURAL TRAINING INSTITUTE
 Regional Training Center-Cordillera Administrative Region
 BSU Compd., La Trinidad, Benguet
 Telefax No.: (074) 422-2375
 E-mail: ati_car@yahoo.com